

Na osnovu člana 88. i 94. Zakona o osnovnom odgoju i obrazovanju („Službene novine Kantona Sarajevo“ broj: 23/17 i 33/17), Pedagoških standarda i općih normativa za osnovni odgoj i obrazovanje i normative radnog prostora, opreme, nastavnih sredstava i učila po predmetima za osnovnu školu, člana 3. i 11. Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“ broj: 35/17), člana 100. Pravila JU „Šesta osnovna škola“ Ilidža- Stup, Saglasnosti Ministarstva za obrazovanje, nauku i mlade Kantona Sarajevo broj: 11-34-27483-57/19 od 29.07.2019. godine i Odluke Školskog odbora broj: 02-739/19 od 06.08.2019. godine, raspisuje se

JAVNI KONKURS
za popunu upražnjenih radnih mjesta u školskoj 2019/2020. godini

a) na određeno vrijeme od 01.09.2019. do 31.08.2020. godine za:

1. Nastavnika bosanskog jezika i književnosti, hrvatskog jezika i književnosti, srpskog jezika i književnosti 1 izvršilac, 17 časova sedmično;
2. Nastavnika engleskog jezika 1 izvršilac, puna nastavna norma;
3. Nastavnika njemačkog jezika 1 izvršilac, 2 časa sedmično;
4. Nastavnika turskog jezika 1 izvršilac, 9 časova sedmično;
5. Nastavnika koji izvodi nastavu iz predmeta Društvo/Kultura/Religija 1 izvršilac, 2 časa sedmično;
6. Nastavnika informatike 1 izvršilac, 12 časova sedmično;
7. Nastavnika koji izvodi nastavu iz predmeta Osnove tehnike 1 izvršilac, 4 časa sedmično;
8. Nastavnika tehničke kulture 1 izvršilac, 2 časa sedmično;
9. Nastavnika muzičke kulture 1 izvršilac, 12 časova sedmično;
10. Nastavnika islamske vjeronauke 1 izvršilac, 3 časa sedmično;
11. Nastavnika katoličkog vjeronauka 1 izvršilac, 1 čas sedmično;
12. Nastavnika razredne nastave 1 izvršilac, puna nastavna norma;
13. Nastavnika razredne nastave 1 izvršilac, puna nastavna norma;
14. Nastavnika tjelesnog i zdravstvenog odgoja 1 izvršilac, 5 časova sedmično;
15. Spremačica 1 izvršilac, puno radno vrijeme;

b) na određeno vrijeme od 01.09.2019. godine do povratka radnika sa funkcije direktora škole, a najkasnije do 31.08.2020. godine za:

16. Nastavnika tehničke kulture 1 izvršilac, puna nastavna norma.

Pored općih uslova utvrđenih Zakonom o radu ("Službene novine FBiH", br. 26/16 I 89/18) za zasnivanje radnog odnosa, kandidati treba da ispunjavaju i posebne uslove predviđene Zakonom o osnovnom odgoju i obrazovanju Kantona Sarajevo, Nastavnim planom i programom za osnovnu školu i Pedagoškim standardima i općim normativima za osnovni odgoj i obrazovanje i normative radnog prostora, opreme, nastavnih sredstava i učila po predmetima za osnovnu školu i normativnim aktima škole.

Obavezna dokumentacija koju su kandidati dužni blagovremeno dostaviti je:

- a) svojeručno potpisana pisana prijava na konkurs sa kratkom biografijom, kontakt podacima kandidata, tačnom naznakom na koju poziciju se konkuriše i tačno navedenom dokumentacijom koja se prilaže uz prijavu na konkurs,
- b) diploma/ svjedodžba o stečenoj stručnoj spremi ili akademskom zvanju,
- c) izvod iz matične knjige rođenih,
- d) uvjerenje o državljanstvu, ne starije od 6 mjeseci, od dana objavljivanja konkursa,
- e) i drugi dokazi o ispunjavanju uslova za to radno mjesto utvrđeni Pravilnikom o unutrašnjoj organizaciji i sistematizaciji radnih mjesta.

Pored obavezne dokumentacije kandidati mogu dostaviti i dodatnu dokumentaciju, i to:

- a) uvjerenje/potvrdu o radnom stažu i uvjerenje sa šifrom zanimanja koje izdaje Fond za penzijsko-invalidsko osiguranje
- b) potvrde o ostvarenom radnom stažu kod poslodavca kod kojeg je kandidat radio sa tačno naznačenim

- poslovima i radnim zadacima, te godinama i mjesecima radnog staža koje je kandidat obavljao,
- c) uvjerenje o položenom stručnom ispitu,
 - d) potvrdu o vremenu provedenom na evidenciji Službe za zapošljavanje Kantona Sarajevo (ne starija od tri mjeseca),
 - e) rješenje o sticanju posebnog stručnog zvanja koje je izdato u skladu sa Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,
 - f) rješenje o ocjeni o radu koja je utvrđena u tekućoj ili prethodnoj kalendarskoj godini, a koje je izdato u skladu sa Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,
 - g) rješenje/uvjerenje nadležnog kantonalnog/općinskog organa o priznavanju svojstva člana porodice šehida/poginulog branioca, člana porodice nestalog i umrlog branioca, dobitnika ratnog priznanja i odlikovanja, člana porodice poginulog, umrlog i nestalog dobitnika ratnih priznanja i odlikovanja, ratnog vojnog zarobljenika i demobilisanog branioca kao zaslužnog lica u odbrambeno-oslobodilačkom ratu sa područja Kantona Sarajevo, ratnog vojnog invalida i člana porodice ratnog vojnog invalida izdato u svrhu ostvarivanja prava prednosti pri zapošljavanju (ne starije od šest mjeseci),
 - h) osobe koje imaju status naveden u članu 10. stav (2) Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo, obavezne su pored rješenja/uvjerenja nadležnog kantonalnog/općinskog organa o priznavanju statusa dostaviti i uvjerenje/potvrdu o neprekidnom prebivalištu na području Kantona Sarajevo u posljednjih 24 mjeseca (ne starije od šest mjeseci),
 - i) potvrdu o autorstvu/koautorstvu udžbenika koju izdaje Federalno ministarstvo obrazovanja i nauke na osnovu člana 169.-170. Zakona o upravnom postupku FBiH („Službene novine Federacije BiH“, broj 2/98 i 48/99).

Prijava kandidata koji nije dostavio dodatnu dokumentaciju će se smatrati urednom, a prijavljeni kandidat će se bodovati samo po osnovu onih kriterija za koje je dostavio urednu i validnu dokumentaciju. Dokumentacija koju kandidat dostavlja uz prijavu na konkurs mogu biti kopije uz obavezu da kandidat koji je primljen po konkursu dostavi originalnu dokumentaciju ili ovjerene kopije dokumentacije, najkasnije 5 dana po dobijanju Odluke o izboru radnika.

Sa kandidatima koji ispunjavaju uslove iz člana 12. stav (5) tačka d) i e) Pravilnika („Službene novine KS“, br. 35/17), Komisija za utvrđivanje prijedloga za izbor radnika obaviti će provjeru radnih i stručnih sposobnosti. O mjestu i vremenu provjere, kandidati će biti u pisanom obliku i telefonskim putem, blagovremeno obaviješteni. Kandidati koji bez opravdanja ne pristupe istoj, gube pravo daljnjeg učešća u konkursnoj proceduri.

Po konačnosti Odluke o izboru radnika, izabrani kandidat je dužan dostaviti ljekarsko uvjerenje nadležne zdravstvene ustanove koje nije starije od šest mjeseci, kao i drugu dokumentaciju u skladu sa zakonom i internim aktima ustanove, nakon čega direktor zaključuje ugovor o radu sa izabranim kandidatom.

Prilikom bodovanja kandidati će se bodovati prema relevantnim odredbama Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“, broj 35/17). Nepotpune, neuredne i neblagovremene prijave neće se razmatrati. Prijave sa potrebnom dokumentacijom mogu se dostaviti lično na protokol škole, svakim radnim danom od 09 do 14 sati ili putem pošte u zatvorenoj koverti, na adresu: JU „Šesta osnovna škola“ Ilidža- Stup, ul. Bare kod Stupa 63, 71 210 Ilidža, sa naznakom „Prijava na javni konkurs, za poziciju broj: .../ ne otvarati- otvara Komisija za utvrđivanje prijedloga za izbor radnika“.

Dokumentacija prijavljenih kandidata koji nisu izabrani po ovome konkursu, zbog mjera racionalizacije, vraća se isključivo na lični zahtjev, putem protokola Škole u roku od 30 (trideset) dana od dana okončanja konkursne procedure.

Konkurs će biti objavljen u dnevnom listu „Oslobođenje“, dana 07.08.2019. godine i ostaje otvoren 8 (osam) radnih dana od dana objavljivanja (krajnji rok za prijavu je 20.08.2019. godine).

Školski odbor

JU „Šesta osnovna škola“ Ilidža- Stup